



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1844**

XXXVIII. Jacob, Busso und Albern Rheinsberg verkaufen den Vorstehern der Pfarrkirche zu Neuruppin Getreide-Hebungen aus dem Dorfe Mauker, im Jahre 1425.

[urn:nbn:de:hbz:466:1-54407](https://nbn-resolving.org/urn:nbn:de:hbz:466:1-54407)

XXXVIII. Jacob, Buffo und Albern Rheinsberg verkaufen den Vorstehern der Pfarrkirche zu Neuruppin Getreide-Gebungen aus dem Dorfe Mauser, im Jahre 1425.

Vor allen guden cristen luden, dy dessen apen briff syn edder horen lesen, Bekenne wy Jacob, Buffo unde Albern brudere, geheyten Rynsberch, unde betugen apenbar, dat wy recht und redelyken hebben verkofft den Erfamen luden Hinrick Kremer und junge Clawes Ffrysen, vorstendern der parrekerken unser lyven vrouwen to Nyen Ruppin, unde alle eren nakomelingen to eynen rechten kope, druttych schepel hardes karnes, half rogge und half gerste, in deme dorpe to Manquar up deme have und huven, dar nu Claus Ropenacke up wanet. Dat vorforeven Karne hebbe wy en vorlaten myd vryen willen und myd wolbedachten mude vor unsen guedygen heren Greve Albrechte, up der parrekerken behuff, in der stadt Nyen Ruppin. Und wy Jacob, Buffo und Albern vorbenumet und unse erven scholen und willen den vorforeven vorstendern und alle eren nakomelyngen des vorforeven gudes eyn gud gewere wesen vor alle dy ghene, dy vor recht kamen wyllen. Ok hefft Albern, unses bruder eelyke husfrowe, dy silve druttych schepel karnes, alse vorbenumet is und ere lyftucht was, myd guden vryen willen, unbedwungen, myd lachgenden mude vor unses heren guaden greve Albrechte vorlaten. Hir vor hebben dy vorforeven vorstendere uns wol tu danke und to nuge bereydet und betalet seventeyn schock guder olden bemefischen Kroschen, dy wy vort in unse und unser Erven nut und vramen gekeret hebben. Dyt vorforeven karne scholen dy ergenanten vorstendere und alle ere nakomelynge manen, eyschen und boren alle yar up sunte Mertens dage. Und dy besitter des Hayes und der huven schal en dat karne bryngen bynnen Nyen Ruppin, und vuren en dat, war en dat alder gedelikeft is. Weret ok, dat dy besitter des hoves und der huven dat vorforeven Karne nicht bereydede up den enkedern vorforeven dach, so mogen dy ergenanten vorstendere, edder ere nakomelynge, dat vorforeven Karne panden edder panden laten myt wyt-schapp des rychters, wu vake en des behuff und not is. So hebbe wy Jacob, Buffo und Albern vorforeven und unse Erven des vorforeven gudes eynen wedderkop beholden —. Tuge deser vorforeven stukke sint dy erwerdige lude Clawes Wutenow, Hans Sloteke und Johann Bakmeyster. Dat alle desse vorforeven Stukke und artikel stede und yaste gehalten scholen werden, da lawe wy Jacob, Buffo und Albern vorforeven myd unsen Erven, den erfamen luden Hinrik Kremer und junge Claus Ffrysen, vorstendern der parrekerken unser lyven vrouwen to Nyen Ruppin, und alle eren nakomelingen stede und yaste wol tu holdende sunder yenigerleye snode invydynghe, hynder edder weddersprake. Des tu groter technisse und bekanntnyse hebbe wy Jacob, Buffo und Albern vorbenumet unse Ingefegle myd wytscapp und myd rade und vulbort unser frunt und negeften laten hengen an dessen apen briff, dy geforeven is na godes bort 1425, des dunredages vor alle gades hilgen dage.

Anmerkung. Die Bestätigung vom Grafen Albrecht, 1425 an sunte Mertens dage des hilgen bisschops (11. November), ist fast wörtlich gleichlautend.

Nach Bratring's handschr. Urfunden-Sammlung und Kamppe's Mittheilungen.